

Na osnovu člana 118. tačka u) Statuta Rudnika soli "TUZLA" d.d. Tuzla broj: 02-01/16-2598 od 29.08.2016. godine, člana 49. tačka 2. Pravilnika o upravljanju dioničkim društvima, te Odluke Nadzornog odbora Društva broj: 01-03/23-1820 od 15.05.2023. godine raspisuje se:

**JAVNI KONKURS  
ZA IZBOR I NOMINIRANJE ZA UPRAŽNJENU POZICIJU  
ČLANA ODBORA ZA REVIZIJU RUDNIKA SOLI „TUZLA“ d.d. TUZLA**

**I.** Raspisuje se Javni konkurs za izbor i nominiranje za upražnjenju poziciju člana Odbora za reviziju Rudnika soli „TUZLA“ d.d. Tuzla.

**II.** Komisija imenovana od strane Nadzrnog odbora Rudnika soli „TUZLA“ d.d. Tuzla provodi postupak za odabir i većinom glasova predlaže kandidate za i člana Odbora za reviziju Nadzornom odboru Društva koji utvrđuje prijedlog odluke o imenovanju člana Odbora za reviziju te istu proslijeđuje Skupštini Društva koja imenuje članove Odbora za reviziju.

Član Odbora za reviziju bira se na period počev od dana imenovanja od strane Skupštine Društva do 04.06.2025.godine, s mogućnošću ponovog izbora.

Dužnosti i obaveze Odbora za reviziju utvrđene su u Zakonu o privrednim društvima FBiH, i Statutom Društva i drugim važećim zakonskim i podzakonskim propisima iz navedene oblasti.

Naknada i druga prava članova odbora za reviziju uređuju se ugovorom na osnovu odluke Skupštine Društva.

**III.** Kandidat za člana Odbora za reviziju mora ispunjavati slijedeće uslove:

**Opći uslovi:**

- a) Da je državljanin BiH,
- b) Da je stariji od 18,
- c) Da nije otpušten iz državne službe kao rezultat disciplinske mjere na bilo kom nivou u BiH, u periodu od tri godine prije objave javnog konkursa,
- d) Da se na njega ne odnosi član IX 1. Ustava BiH,
- e) Da nije osuđivan za krivično djelo ili privredni prestup nespojiv sa dužnošću Odbora za reviziju, pet godina od pravosnažnosti presude, isključujući vrijeme izdržavanja kazne,
- f) Da se protiv kandidata ne vodi krivični postupak,
- g) Da mu pravosnažnom presudom suda nije zabranjeno obavljanje aktivnosti za poziciju predsjednika ili člana Odbora za reviziju,
- h) Da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija,
- i) Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- j) Da nije direktor, član uprave, predsjednik ili član nadzornog odbora ili zaposlenik u Rudniku soli „TUZLA“ d.d. Tuzla, niti da ima direktni ili indirektni finansijski interes u društvu izuzev naknade po osnovu funkcije u odboru za reviziju.

**Posebni uslovi:**

- a) VII stepen složenosti zanimanja, VSS, završen ekonomski fakultet,
- b) najmanje 3 godina radnog iskustva na poslovima finansija, računovodstva,
- c) posjedovanje sertifikata za obavljanje poslova certificiranog računovođe

**IV** Uz prijavu na konkurs kandidati su obavezni priložiti slijedeću dokumentaciju:

- a) Biografija, adresa i kontakt telefon,
- b) Ovjerena kopija diplome, ne starija od 3 mjeseca,
- c) Uvjerenje o državljanstvu (original ili ovjerena kopija), ne starije od 3 mjeseca
- d) Dokaz o radnom iskustvu u struci (potvrda ili uvjerenje – original ili ovjerena kopija), ne starije od 3 mjeseca
- e) Ovjerena izjava da nije otpušten iz državne službe kao rezultat disciplinske mjere na bilo kom nivou u BiH, u periodu od tri godine prije objave javnog konkursa,
- f) Ovjerena izjava da se na njega ne odnosi član IX 1. Ustava BiH, ne starije od 3 mjeseca
- g) Ovjerena izjava da nije osuđivan za krivično djelo ili privredni prestup nespojiv sa dužnošću Odbora za reviziju, pet godina od pravosnažnosti presude, isključujući

vrijeme izdržavanja kazne, i da se protiv kandidata ne vodi krivični postupak, ne starije od 3 mjeseca

- h) Ovjerena izjava da mu pravosnažnom presudom suda nije zabranjeno obavljanje aktivnosti za poziciju predsjednika ili člana Odbora za reviziju, ne starije od 3 mjeseca
- i) Ovjerena izjava da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija, ne starije od 3 mjeseca
- j) Ovjerena izjava da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine, ne starije od 3 mjeseca
- k) Ovjerena izjava da nije direktor, član uprave, predsjednik ili član nadzornog odbora ili zaposlenik u Rudniku soli „TUZLA“ d.d. Tuzla, niti da ima direktni ili indirektni finansijski interes u društvu izuzev naknade po osnovu funkcije u odboru za reviziju, ne starije od 3 mjeseca.
- l) Certifikat za obavljanje poslova certificiranog računovođe (orginal ili ovjerena kopija ne starija od 3 mjeseca)

**V** Konkurs ostaje otvoren 15 dana od dana objavljivanja u dnevnim novinama.

**VI** Kandidati koji budu ušli u uži izbor biti će pozvani na intervju. Kandidati će pisanim putem biti obavješteni o ishodu javnog konkursa.

**VII** Prijavu sa traženom dokumentacijom dostaviti lično ili preporučenom poštom na adresu:

Rudnik soli "TUZLA" d.d. Tuzla  
Tušanj broj 66, 75000 Tuzla  
Sa naznakom

**„Prijava za Javni konkurs za Odbor za reviziju“**

**VIII** Nepotpune i neblagovremene prijave neće se razmatrati, a dokumenti koji se prilažu uz prijavu na javni konkurs moraju biti originali ili ovjerene fotokopije.

**Predsjednik Nadzornog odbora  
Emir Hadžimešić, dipl.pravnik**